

Тропарь, глас 6.

Помилуй нас Господи, помилуй нас, всякаго бо отвѣта недоумѣюще, сию Ти молитву, яко Владыце, грѣшнии раби Твои приносим, помилуй нас Господи, помилуй нас.

Слава. Господи, помилуй нас, на Тя бо уповахом, не прогневайся на ны зело, ниже помяни беззаконии наших, но призри на ны, яко Милосерд, и избави нас от враг наших, Ты бо еси Бог наш, и мы людие Твои, и вси дела руку Твоею, и имя Твое призываем.

И ныне. Милосердия двѣри отвѣрзи нам, Благословенная Богородице Дѣво, надѣющися на Тя не погибнем, но да избавимся Тобою от бед. Ты бо еси спасение рѣду христианскому.

Канон, глас 3. Песнь 1, ирмос.

Пределяемое море жезлом древле, Израиль пройде яко по пустыни, яко Креста образ яве претворяше стезю, сего ради воспоем во хвалении, чудному Богу нашему, яко прославися.

Запев. Милостиве Господи, услыши мо-литву раб Своих, молящихся Тебе (**поклон**).

В день печали, нашѣдшия на ны, к Тебе, Христѣ Спасе, припадающе, Твоея милости просим, облегчи болѣзнь ра(бы)ба Тво(ея)его, изорцы нам яко и сотнику: иди, се здрав есть отрок твой.

Запев. Мольбы и молѣния, с воздыханием к Тебе вопиѣм, Сыне Божии, помилуй нас, воздвигни со одра лежащ(ую)аго, яко ослабленнаго словом: возьми одр свой, глаголя, отпуцаюттиса греси твои.

Слава. Твоего Христѣ образа подобию поклоняющеса (**поклон**), верою целуем, и болящ(ей)ему здравия просим, подражающе кровоточивей, яже подолце риз Ти коснуса, и исцеление недуга прият.

И ныне. Пречистая Госпоже Богородице, всем известная Помощница, не презри нас, к Тебе припадающих, моли яко Блага, Своего Сына и Бога нашего, дати здравие болящ(ей)ему, да Тя с нами прославляет.

Катавасия. Сохрани от скорбей, от болѣзни, от недуга тяжкаго раб(у)а Сво(ю)его (имя рек) болящ(ую)аго Милостиве, яко усердно к Тебѣ прибегаем, к Милостивому Избавителю и всех Владыце, Господу Исусу (поклон). Господи помилуй (трижды, с поклонами).

Песнь 3, ирмос.

Иже от не сущих вся приведый, Словои созидаема, совершаема же Духом, Вседержителю Вышнии, в любви Своей утверди мене.

Запев. Иже от тяжких болѣзней на земли поверже(на)н, к Тебѣ Христѣ, с нами вопиет, подаждь здравие телеси (ей)его, яко же Иезекии плакавшуся к Тебѣ.

Запев. Призри Господи, на наше смирение и не помяни беззаконии наших, но веры ради болящ(ия)аго, яко прокаженнаго, словом исцели (ей)ему болѣзнь, да Твое, Христѣ Божѣ, славится имя.

Слава. Церковь юже еси освятил, на ту Христѣ не даждь поноса, но воздвигни невидимо в недуге на одре лежащ(ую)аго, в нейжетися молят; да не рекут невернии: где есть Бог их?

И ныне. К Твоему Пречистому Богородице, образу рuce вздеюще, вопием: услыши раб Твоих молитву и спаси в болѣзни лежащ(ую)аго, да от болѣзни востав(ши), воздаст обеты, яже в печали глаголаша уста (ей)его. **Катавасия.**

Седален, глас 8.

На одре греховнем лежаш(у)а мя, и страстьми уязве(ну)на, и якоже воздвиге Петрову тещу, и спасе разслабленаго носима со одром; тако и ныне посети Милостиве, болящ(ую)аго, понеси недуги рода нашего, Тебе единого свемы, терпелива и милосердца, милостива Врача душам и телом, Христа Бога нашего, наводяща недуги, и паки исцеляюща, подающая прощение кающимся о согрешениях, единого Милосердаго и Милостиваго.

Слава. Аз грешн(ая)и плачуся, на одре своем слежа(щи), простыню ми подаждь, Христэ Бже, и от болезни сея воздвигни мя; яже есмь от юности грехи сотворил(а), избыти ми молитвами Богородицы сих даруй.

И ныне. Умилосердися и спаси мя, воздвигни мя от одра болезненного, мощь бо моя во мне изнеможе, и весь(вся) нечаянием одержи(ма)мь есмь, Мати Божия Пречистая, исцели недугующ(у)а люте, Ты бо еси Помощница христианом.

Песнь 4, ирмос.

Положи к нам твердую любовь Си Господи, единородного бо Ти Сына, нас ради на смерть вдал еси, темже Ти вопием, восхваляюще: слава силе Твоей.

Запев. Уже отчаянн(у)а лютым недугом, и к смерти приближивш(уся)ася, возврати, Христэ на живот и даждь плачущимся утеху, да вси прославляем Твою святая чудеса.

Запев. К Тебе Творче, каемся своих грех, яко не хочещи смерти грешничи; оживи, уздрави болящ(ую)аго, да востав(ши) послужит Ти, исповедая с нами Твою благодать.

Слава. Слезы Манасиины, ниневитян покаяние, Давидово исповедание приим, вскоре спасл еси; и наша молитвы ныне приими, даждь здравие болящ(ей)ему, о не(й)м же Тя молим.

И ныне. Подаждь нам Твою милость, Госпоже, всегда на Тя надеющимся, испроси здравие болящ(ей)ему, врачевней Твой руке с Предотечею Богородице, ко Господу простираючи. **Катавасия.**

Песнь 5, ирмос.

На земли Невидимы явися, и с земными волею поживе Непостижимы; и к Тебе утреннююще, воспеваем Тя, Человеколюбче.

Запев. Дщерь Иаинову уже умершу, яко Бог оживил еси; и ныне возведи, Христэ Боже, от врат смертных болящ(ую)аго, Ты бо еси путь и живот всем.

Запев. Сына вдовица оживив Спасе, и тоя слезы преложив на радость; спаси от недуга тлеющ(ую)аго ра(бу)ба Си, да и наша скорбь и болезнь на радость прейдет.

Слава. Огненную болезнь тещи Петрове прикосновением Твоим исцелив; ныне востави болящ(ую)аго ра(бу)ба Ти, да востав(ши), яко и она, послужит Ти.

И ныне. Скорбнии, смирении, грешнии, не имущии дерзновения, к Тебе, Пречистая Богомати, вопиём: умоли Сына Своего Христа, дати болящ(ей)ему здравие телеси. **Катавасия.**

Песнь 6, ирмос.

Бездна последняя грехов обыде мя, и исчезает дух мой, но простер Владыко высокую Си мышцу, яко Петра мя, Управителю спаси.

Запев. Бездну милосердия и милости имея, Христэ Бóже, внуши молéния раб Твоих, Ты бо еси Петром Тавифу воскресив; Ты и ныне в болéзни лежащ(ую)аго воздвигни, послушав церковных молитвенник.

Запев. Врачу душам и телом нашим, понеси недуги всего мира Христэ, и Енея Павлом исцеливыи; Ты и ныне болящ(ую)аго исцели, святых апостол молитвами.

Слава. Преложí Христэ, на радость рыдание, о недужн(ей)ем скорбящ(ей)ем, да Твою получи́вше мýлость, вни́дут в дом Твой, со обéтными дарми́, сла́вяще Тя в Троице Еди́наго Бóга.

И ныне. Приидите О! друзи, поклонимся (**поклон**), молящеся о болящ(ей)ем, Божии Матери; Та бо имеет власть недужныя исцеляти со безмездникама вкупе, духовным невидимо помазаючи маслом. Катавасия. **Слава, и ныне.**

Кондак, глас 3.

Душу мою́ Гóсподи, во гресéх всяческих, безмéстными деяньми люте разсла́бленну, воздвигни божéственным Си человеколю́бием, я́коже и разсла́бленнаго воздвигнул еси́ дрéвле; я́ко да зову́ Ти спаса́ем, Щедрый: даждь ми Христэ, исцелéние.

Песнь 7, ирмос.

Пéрвее телу́ златóму, пéрсскою чéстию дéти не поклони́шася, триé пою́ще посреде́ пéщи огня́: отцém Бóг благословéн еси́.

Запев Кресту. О! Кресте пресвятый Христов, честное древо животное, тобою смерть погйбе, и мертвни воскресоша, и ныне болящ(ую)аго исцели и оживи, якоже при Елене умершую девицу.

Запев. Долгую и лютую болѣзнь Иовлю на гноищи и в червех, того молящася словом исцели еси, Господи; ныне же в церкви о болящ(ей)ем молим Тя: яко Благ, исцели невидимо молитвами святых Твоих.

Слава. Все свѣмы яко умрети нам есть, Тебе Богу, тако извольшу; но на мало время Милостиве, здравия просим болящ(ей)ему, премени от смерти на живот, даждь скорбящим утѣху.

И ныне. Пособствуй и помогай нашему сиротству Богородице, Ты бо все время и час, когда умолиши Сына Своего и Бога нашего, дати болящ(ей)ему здравие и прощение от всех грех. **Катавасия.**

Песнь 8, ирмос.

Служити живу Богу, иже в Вавилоне дети претерпеша, о мусикийских органех нерадиша, и в пламени посреде стояще, богоугодную песнь пояху: благословите вся дела Господня Господа.

Запев. Кажа покажи Владыко, болѣзнию ра(бу)ба Тво(ю)его, и скоро исцели, Милостиве Христе Боже, и еще смерти не предаждь судней, да Ти покаяние воздаст; Сам бо рекл еси: не хочу смерти грешничи.

Запев. Господи Милостиве, Твоя преславная чудеса, да и до нас ныне достигнут; бесы прожени, недуги погуби, раны исцели, болѣзни уврачуи, и потворы и чародеяния, и всякая язи избави ны.

Слава. Запретивый Христэ морьским ветром, и страх ученик на радость преложит; запретит и ныне тяжким болезнем, тружяющим ра(бу)ба Тво(ю)его, да вси возвеселимся, хваляще Тя во веки.

И ныне. Избави Богородице, от обышедших ны печалей, бед же и скорбей, и всех различных недугов, отравы же и чародейства, и бесовскаго мечтания, и от урока злых человек, и напрасныя смерти, молимся. **Катавасия.**

Песнь 9, ирмос.

На Синастей горе виде Тя в купине Моисей неопальну, огонь Божественный зачещу во чреве; Даниил же Тя виде, гору непресечену; жезл прозябшии, Исаия зываше, от корене Давыдова.

Запев (поклон). Источниче жизни, подателю Христэ милости, не отврати лица Твоего от нас, облегчи болезнь утружен(ой)ому болезнию, и воздвигни яко Фаддеом Авгаря, да присно Тебе славит, со Отцем и Святым Духом.

Запев. Евангельскому верующе гласу, Твоего ищем обета Христэ, просите бо рече, и дастся вам; тем ныне предстояще молим Тя: востави со одра здрав(у)а, лютым повержен(у)а недугом, да Тя с нами вкупе величает.

Слава. Мучим(ая)ыи недугом, внутри невидимыми ранами, Тебе Христэ, с нами вопиет; не нам Господи, ни нас ради, вси бо есмь исполнени грехов, но Матерними Ти и Предотечевыми молитвами даждь исцеление болящ(ей)ему, да Тя вси возвеличим.

И ныне. Божия Мати Пречистая, со всеми святыми призываем Тя, со ангелы и архангелы, с пророки и патриархи, со апостолы и святители, с преподобными и праведными, молитися Христу Богу нашему дати здравие болящ(ей)ему, да Тя вси величаем. **Катавасия.**

Достойно есть (поклон земной). Трисвятое и по Отче наш. Молитва Исусова. Аминь. Тропари: Помилуй нас, Господи; и: Господи, помилуй нас. Слава, кондак: Душу мою, Господи. И ныне, богородичен: Милосердия двери. Господи помилуй (40). Слава, и ныне.

Запев: Милостиве Господи, услыши молитву раб Своих, молящихся Тебе (поклон).

Молитва. Бóже сильный, милостию строи вся, на спасение рóду человеческому, посети ра(бú)ба Сво(ю)его (сию)сего (и́мя рек), нарицаю(щу)ща и́мя Христа Твоего, исцели(ю) его от всякаго недúга плотскаго и душевнаго, и отпусти грех, и греховныя соблазны, и всяку напасть, и всякое нашествие неприязненно, далече сотвори от ра(бы)ба Тво(ея)его, и воздвигни от одра греховнаго, и устрой (ю)его во святую Твою церковь, здрав(у)а душею и телом, и дела добрыми славащ(у)аго со всеми людьми и́мя Христа Твоего, яко Тебе славу возсылаем, со безначальным Ти Сыном и со Святым Духом, ныне и присно и во веки веком, аминь (поклон земной).

Честнейшую херувим. Слава, и ныне. Господи помилуй (дважды), Господи благослови (с поклонами).

Отпуст. Господи Исусе Христе Сыне Бóжии, моли́тв ради Пречистыя Ти Матери, силою честнаго и животворящаго Креста, заступлением честных небесных сил безплотных, честнаго и славнаго пророка и Предотечи Крестителя Иоанна, святых славных и всехвальных апостол, святых добропобедных мученик, преподобных и богоносных отец наших, святых чудотворец и безсребреник Козьмы и Дамиана, Кира и Иоанна, и всех ради святых, помилуй и спаси болящ(ую)аго ра(бú)ба Сво(ю)его (и́мя рек), яко Благ и Человеколюбец. Аминь.

Господи помилуй (трижды), и обычные исходные поклоны.